

BOSNA I HERCEGOVINA
FEDERACIJA BOSNE I HERCEGOVINE
ŠREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
T R A V N I K
Broj: T06 0 KT 0035379 24
Travnik, 17.02.2025. godine

KANTONALNOM SUDU NOVI TRAVNIK
-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav 1. Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 21.03.2025. godine.

Protiv:
Halid Babanović

Što je:

Dana 14.06.2024.godine oko 19:30 sati u porodičnoj kući u mjestu Lupac, općina Vitez, sa namjerom pokušao drugoga lišiti života, na način da je po saznanju da njegova vanbračna supruga oštećena E. D. želi napustiti zajednicu življenja, zajedno sa svojim ocem Z. B. došao do kuće i to u momentu kada je oštećena sa svojim ocem R. D., bratom E. D. i amidžom H. D., koji su na njeno traženje i izraženu želju da napusti zajednicu življenja sa Halidom Babanovićem došli po nju, nakon što ju je zaustavio u njenom kretanju, uveo oštećenu u dnevnu sobu, sa istom otpočeo verbalnu prepirku, a povodom njene želje da napusti zajednicu življenja, i kada je na njegovo pitanje da li želi da ostane sa njim ili da ide, odgovorila da zbog njegovog lošeg odnosa prema njoj želi da ide od njega, iako svjestan radnji koje poduzima i posljedica koje može prouzrokovati i htijući to, u namjeri da oštećenu liši života, u ruku uzeo nož Solingen sa crnom drškom ukupne dužine cca 265mm, a dužinom oštrice od 135mm u ruku te istim više puta zamahnuo u pravcu oštećene i to gornjeg dijela tijela u predjelu njene glave i njenog vrata i ramena gdje joj je nanio tjelesne ozljede sa krvarenjem, da bi u tom momentu, budući da je oštećena zbog nanesene boli vrisnula, u istu prostoriju utrčao Z.B., otac osumnjičenoga, koji je vidio oštećenu sa povredama, odgurnuo osumnjičenoga i tako spriječio u dovršenju pokušanoga djela, a koji momenat je oštećena iskoristila da pobjegne iz prostorije i nakon čega je prevezena u Hrvatsku Bolnicu Dr. Fra Mato Nikolić radi pružanja medicinske pomoći gdje su joj i konstatovane lake tjelesne ozljede u vidu ubodne rane u regiji iznad lijeve ključne kosti, ubodne rane sa lijeve strane vrata, ubodne rane ispod lijeve uške, razderno nagnječne rane na lijevoj uški i ubodne rane na lijevoj strani lica,

Dakle, sa namjerom pokušao drugoga lišiti života.

Čime je počinio krivično djelo „Ubistvo“ iz člana 166. stav 1. KZ FBiH u vezi sa članom 28. istoga Zakona.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.